

K29
1819
2010

中國方志叢書·華中地方·第二〇一號

據

清·儲家藻修，徐致靖纂
清光緒二十五年刊本


影印

浙江省

上虞縣志校續

9776/10

成文出版社有限公司印行



中華民國六十四年 月臺一版

上虞縣志校續

全十一冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

上虞縣志校續

光緒戊戌孟夏開
雕次年仲夏成書

晉太史公史記書成後班氏因之以作漢書其辭例悉仍乎舊而篇目或溢之以補遷史所未備迄今兩家書並行於世書固有不妨兩存者獨史也乎孰邑志蓋亦有然矣上虞舊志咸同間燬于兵前縣令德化唐公任

而蒐輯之始仍爲舊觀允與地
水利與夫忠孝廉義以及一節
可名之士復昭耀于耳目不至
湮沒而不傳者實唐公之力也
顧其書成于光緒辛卯時唐公
適調任山陰遂促手民尅期竣
事閱數月即哀然成帙蓋未暇

博強詳訂有必然者此書出都
人士而讀之謂有未盡徵實
也爰以重輯之議來請予從而
應之曰志者所以志其事之實
而必求其是也唐李肇之蒐羅散
失利正謬誤欲使一邑文獻有
以信於今而傳於後今諸君子

之請正亦唐公攷鏡得失之資
也予雖不敏曷敢不從特校讐
當悉心以力矣繇是正錯簡搜
遺佚慎益以密毋少或輟聘宛
平徐先生任總纂之職先生博
覽群書卓然為當世望猶且
窮日夜力周寒暑而後歲修

訂洵非易事哉今釐然各當其
總纂之力亦諸君分纂之功予
何幸而得樂觀厥成也雖然古
虞佳山水鍾毓之奇代出偉人
後必有瑰瑤奇特之節復為邑
乘先者則此志之繼往開來並
存致續是所望於後之君子已

光緒二十有四年歲次戊戌秋七
月上澣知上虞縣事宜興儲家藻
撰并書

上虞縣志校續序

自秦置郡縣上虞以舜封舊墟得名至今不易
蓋文德漸被遺澤長矣邑志始於元時歷前明
入

國朝代有述作光緒十七年邑令唐君勗議修
輯綜羣籍之大成爲書四十八卷蒐採浩博體
例精嚴視嘉慶以前諸志疏陋不文舉莫與比
誠盛事也顧自始事迄成書未及一年尅期告

葢舛誤遺漏在所不免都人士以爲未昭信實
也於是以通詳立案設局重修請於今令儲公
公謂茲事體大盍姑待旣而請益堅遂開局重
纂而禮聘不佞主其事自維學殖謫陋懼弗克
勝而公手書敦促辭不獲已於丙申夏五應召
來虞日與都人士相款接且導游始靈山水攬
百樓五癸之雄眺鳳鳴蘭芎之勝訪舜禹之遺
迹緬王謝之流風美哉名圖秀靈孕育達人傑

士史不絕書固其宜已維時分纂諸彙適已彙
齊值不佞卒卒是暇秋八月抵京寓塵勞甫息
卽取新纂各彙與原書互相校勘參之舊志證
之史籍誤者正之闕者補之率者詳之贅者省
之去取未審論斷未允者斟酌而慎訂之又據
近五六年中採訪各條之可信者廣續而增入
之若夫發凡之例紀敘之體屬詞專藻之義一
仍舊貫無取更新蓋分纂諸君之擴除意見實

事求是信乎可以嘉惠桑梓取信後賢而不佞
乃祇樂觀厥成也爰馳書儲公而貢其愚曰此
次重修之舉雖與沈氏之虞乘刊補王氏之虞
志備橐大旨略同而新舊相仍規隨無間惟期
信而可徵非曰故從其異書成盍名曰上虞縣
志校續刊行之後與原書並行不悖夫而後新
輯之苦心重訂之要旨都人士之敬恭弗懈賢
令君之善體輿情展卷瞭然舉可共諒豈與夫

矜情立異好翻成案者同日而語也哉儲公以爲可都人士亦曰可用綜顛末而爲之序

光緒二十三年歲次丁酉仲春下浣

賜進士出身誥授資政大夫日講起居注官翰林院侍讀學士宛平徐致靖子靜甫譔

凡例

一志書卽古國史之遺春秋之義首書春王所以大一統
也會稽章實齋先生永清志首列 皇言卽宗斯例倣
而行之首卷恭紀 天章

一舊志人物分德業孝友諸目以後學品隲前賢旣嫌僭
越亦多未確且不便於檢閱今仿孫淵如松江府志例
以時代爲次不分門類參用史記合傳附傳及南北史
王謝一家傳例列女傳同其有事迹無多文不成傳者
則倣華陽國志上女名目錄之例而以列女姓氏附焉